



Svandís Svavarsdóttir
Umhverfisráðherra

Umhverfisráðuneytið
Skuggasundi 1,
150 Reykjavík

Reykjavík, 15. desember 2009
Tilvísun: 200912-0021

Efni: 15. ráðstefna aðila að rammasáttmála Sameinuðu þjóðanna um loftslagsbreytingar (UNFCCC), 7. -18. desember 2009, Kaupmannahöfn.

Þrátt fyrir erfiða stöðu í efnahags- og fjármálum heimsins er brýnt að samkomulag náist fyrir árslok 2009 um loftslagsbreytingar, sem leysir Kýótó-bókunina af hólmi; samkomulag á hnattræna vísu til verndar samfélögum okkar, umhverfi þeirra og komandi kynslóðum.

Alþýðusamband Íslands er aðili að Alþjóðasambandi verkalýðsfélaga - ITUC, með 312 aðildarfélögum frá 157 löndum og landsvæðum sem er fulltrúi 170 milljóna launafólks. Með bréfi þessu vill Alþýðusamband Íslands skýra afstöðu verkalýðshreyfingarinnar til þessara þýðingarmiklu viðræðna og leggja áherslu á sérstakar kröfur verkalýðshreyfingarinnar. Kröfur sem miða að því að treysta félagslegt og vinnumarkaðslegt inntak samningstextans um loftslagsbreytingar.

ASÍ hvetur íslensk stjórnvöld til að styðja tillögurnar sem hér eru kynntar á loftslagsráðsstefnunni sem nú stendur yfir í Kaupmannahöfn. Þær eru þýðingarmikið framlag til að takast á við það brýna viðfangsefni sem loftslagsbreytingarnar eru og viðbrögð við þeim.

Alþjóðasamband verkalýðsfélaga fer fram á það við stjórnvöld að:

1. Hlutast til um að metnaðarfullur, bindandi og sanngjarn samningur náist í Kaupmannahöfn, sem verður grundvöllur að því að draga úr losun gróðurhúsalofttegunda á næstu árum og til framtíðar. Hann verði einnig grundvöllur sjálfbærar aðlögunar fyrir þróunarríkin vegna loftslagsbreytinganna.
 2. Tryggja að samkomulagið innihaldi kröfuna um réttláta aðlögun fyrir launafólk sem skapar mannsæmandi vinnu og góð störf, eins og fram kemur í 9. grein í núverandi drögum um „Shared Vision Non-paper nr. 43”.
 3. Verkalýðshreyfingin verði skilgreind sem ein af hagsmunaaðilunum líkt og gert er í framkvæmdaáætlun 21 (Agenda 21), en þar eru verkalýðsfélögin viðkennd sem ein af níu lykilhópum við ákvarðanatöku um sjálfbæra þróun.
-
1. *Hlutast til um að metnaðarfullur, bindandi og sanngjarn samningur náist í Kaupmannahöfn, sem verður grundvöllur að því að draga úr losun gróðurhúsalofttegunda á næstu árum og til framtíðar. Hann verði einnig grundvöllur sjálfbærar aðlögunar fyrir þróunarríkin vegna loftslagsbreytinganna.*



Verkalýðshreyfingin hefur skuldbundið sig til að vinna að markvissum og metnaðarfullum markmiðum til að draga úr losun gróðurhúsalofttegunda í iðnríkjum, ásamt árangursríkum aðgerðum til að draga úr losun gróðurhúsalofttegunda í þróunarlöndunum. Kallað er eftir því að stefnumótuninni fylgi fjármunir til að styðja við samfélög sem standa illa að vígi. Einnig að fjármagn sé tryggt til rannsókna, þróunar og eflingu á umhverfisvænni tækni.

Verkalýðshreyfingin telur að nú sé tækifæri til að endurbæta og endurreisa hagkerfi þjóðanna á grundvelli félagslega og umhverfislega ábyrgra fjárfestinga. Áhersla verði á fjárfestingar sem skapa ný störf, örva hagvöxt og draga úr losun gróðurhúsalofttegunda. ASÍ skorar á stjórnvöld að kynna sér yfirlýsingu Alþjóðasambands verkalýðsfélaga, sem samþykkt var fyrir Loftslagsráðstefnuna COP15: <http://climate.ituc-csi.org>.

2. Tryggja að samkomulagið innihaldi kröfuna um réttláta aðlögun fyrir launafólk sem skapar mannsæmandi vinnu og góð störf, eins og fram kemur í 9. grein í núverandi drögum um „Shared Vision Non-paper nr. 43”.

Fundurinn í Kaupmannahöfn mun mólast af pólitískri umræðu, þar sem margar af þeim tillögum sem nú liggja fyrir kunna að verða dregnar til baka. Til að afla fylgis við nauðsynlegar og óumflýjanlegar breytingar þarf fundurinn að senda skýr skilaboð til launafólks um félagslegt réttlæti. Til að svo megi verða þarf af halda til streitu textanum um mannsæmandi vinnu og góð störf.

Í textanum, sem um ræðir segir:

Málsgrein 9 – „Non paper #43“ „Sameiginleg sýn á samstarfsaðgerðir til lengri tíma:“
„Til að samræma sjálfbæra þróun á meðan tekist er á við loftslagsbreytingar og kröfur um réttláta nýtingu á þeirri auðlind sem loftslag jarðar er, kallar það á breytt viðmið sem aðlagar hnattrænan hagvöxt að sjálfbærni í loftslagsmálum, á grundvelli framsækna tækninýjunga og aukinnar sjálfbærar framleiðslu og neyslu, á meðan tryggð er sanngjörn aðlögun fyrir launafólk sem skapar mannsæmandi vinnu og góð störf og leitast er við að tryggja þáttöku þeirra sem eiga hagsmuna að gæta (...)"

„Realising that harmonising sustainable development while addressing climate change and demands for a more equitable utilisation of the global atmospheric resource necessitate a paradigm shift that adjusts global economic growth patterns towards a sustainable climate-resilient development, based on innovative technologies and more sustainable production and consumption, while ensuring a just transition of the workforce which creates decent work and quality jobs, and seeking the active participation of all stakeholders (...)."

Í drögunum sem um er að ræða er minnst á tvö önnur lykilatriði innan ramma réttlátrar aðlögunar sem þarf að styrkja:

Seinni tilvísunin í „réttláta aðlögun“ í lið 7 í „Non paper #44 („Efnahags- og félagslegar afleiðingar af mótvægisaðgerðum“):

[Aðilar viðurkenna mikilvægi þess að forðast og lágmarka neikvæðar afleiðingar mótvægisaðgerða á félagslega- og efnahagslega þætti og stuðla að sanngjarnri aðlögun í áföngum á þeim sviðum þar sem mest á mæðir. Nauðsynlegt er að skapa mannsæmandi vinnu og góð störf og leggja áherslu á að búa til nýja vaxtarmöguleika fyrir bæði framleiðslu- og þjónustutengd störf]




Tilvísunin í þjálfun starfsmanna í umræðunni um tæknilega yfirfærslu. (2b, blaðsíða 19, „Non-paper” 47, „Climate Technology Hub and Corps”).

„Veita þjálfun, upplýsingar og skipuleggja starfsþróunaráætlanir sem hafa að markmiði að byggja upp og/eða styrkja getu þróunarlandanna sjálfrá til að greina tækifæri sem tæknin býður upp á, taka ákvárdanir um tæknilega framþróun, og innleiða, viðhalda og aðlaga tæknilegar lausnir meðal annars með leiðbeinendaþjálfun og tækni- og starfsþjálfun á vinnustað.“

- 3. Verkalýðshreyfingin verði skilgreind sem ein af hagsmunaaðilunum líkt og gert er í framkvæmdaáætlun 21 (Agenda 21), en þar eru verkalýðsfélögin viðkennd sem ein af níu lykilhópum við ákvárdanatöku um sjálfbæra þróun.**

Alþýðusamband Íslands óskar eftir að stjórnvöld taki efni þessa bréfs til gaumgæfilegrar í hugunar og óskar eftir stuðningi við tillögur Alþjóðasambands verkalýðsfélaga ITUC í COP15 viðræðunum. Jafnframt óskar ASÍ eftir samvinnu við stjórnvöld á innlendum vettvangi við að vekja athygli á loftlagsbreytingum og afleiðingu þeirra.



Virðingarfyllst
Gylfi Arnþórsson
Forseti ASÍ